



**საქართველოს შინაგან საქმეთა მინისტრის
ბ რ ძ ა ნ ე ბ ა**



1/271



09/07/2020

**საქართველოს შინაგან საქმეთა სამინისტროს სისტემაში ზოგიერთი სტატისტიკური
მონაცემის წარმოების წესის დამტკიცების შესახებ**

„საქართველოს შინაგან საქმეთა სამინისტროს დებულების დამტკიცების შესახებ“ საქართველოს მთავრობის 2013 წლის 13 დეკემბრის №337 დადგენილებით დამტკიცებული დებულების მე-5 მუხლის მე-2 პუნქტის „ა“ და „ნ“ ქვეპუნქტების საფუძველზე,

ვ ბ რ ძ ა ნ ე ბ ა:

1. დამტკიცდეს საქართველოს შინაგან საქმეთა სამინისტროს (შემდგომში - სამინისტრო) სტატისტიკური მონაცემების დამმუშავებელი სტრუქტურული ქვედანაყოფების, სამინისტროს მმართველობის სფეროში მოქმედი საჯარო სამართლის იურიდიული პირებისა და სამინისტროს მმართველობის სფეროში შემავალი სახელმწიფო საქვეუწყებო დაწესებულებების საქართველოს კანონმდებლობით დადგენილი ზოგიერთი ფუნქცია-მოვალეობის შესრულების შესახებ სტატისტიკური მონაცემების წარმოების წესი ამ ბრძანების დანართის შესაბამისად.
2. ბრძანების პირველი პუნქტით გათვალისწინებული სტატისტიკური მონაცემები არ მოიცავს „საჯარო ინფორმაციის ელექტრონული ფორმით მოთხოვნისა და პროაქტიულად გამოქვეყნების შესახებ“ საქართველოს მთავრობის 2013 წლის 26 აგვისტოს №219 დადგენილებით განსაზღვრულ სტატისტიკურ მონაცემებს.
3. ბრძანების დანართით განსაზღვრულ სტატისტიკური მონაცემების დამმუშავებელ სამინისტროს სტრუქტურულ ქვედანაყოფებს, სამინისტროს მმართველობის სფეროში მოქმედ საჯარო სამართლის იურიდიულ პირებსა და სამინისტროს მმართველობის სფეროში შემავალ სახელმწიფო საქვეუწყებო დაწესებულებებს დაევალოთ, აწარმოონ ამ ბრძანების დანართით განსაზღვრული მონაცემების დამუშავება.
4. ამ ბრძანების საფუძველზე დამუშავებული სტატისტიკური მონაცემების სამინისტროს ოფიციალურ ვებგვერდზე განთავსებასა და განთავსების პერიოდის შესახებ გადაწყვეტილებას იღებს სამინისტროს ადმინისტრაცია (დეპარტამენტი).
5. ბრძანება გაეცნოს დაინტერესებულ პირებს.
6. ბრძანება ძალაშია ხელმოწერისთანავე.

7. ბრძანება შეიძლება გასაჩივრდეს საქართველოს კანონმდებლობით დადგენილი წესით, მისი დაინტერესებულ პირთათვის გაცნობიდან ერთი თვის ვადაში, ქ. თბილისის საქალაქო სასამართლოს ადმინისტრაციულ საქმეთა კოლეგიაში (მისამართი: ქ. თბილისი, აღმაშენებლის ხეივანი, №64).

მინისტრი
ვახტანგ გომელაური



№	სტატისტიკური მონაცემები	საანგარიშო პერიოდი	მონაცემთა დამმუშავებელი (სტრუქტურული ქვედანაყოფი/საჯარო სამართლის იურიდიული პირი / სახელმწიფო საქვეუწყებო დაწესებულება)	მონაცემთა დაანგარიშების პერიოდი და მეთოდოლოგია
1	რეგისტრირებული დანაშაულის სტატისტიკური მონაცემები, საქართველოს ყველა საგამომიებო უწყების მიხედვით (დანაშაულის სახეობის, მუხლებისა და გახსნის მაჩვენებლის მითითებით).	კვარტალი; კუმულატიური (ნაზარდი ჯამი).	საინფორმაციო-ანალიტიკური დეპარტამენტი	მონაცემები დაანგარიშდება საანგარიშო პერიოდის მომდევნო თვის ბოლომდე.
2	• საქართველოს ადმინისტრაციულ სამართალდარღვევათა კოდექსის ზოგიერთი მუხლით გათვალისწინებული ადმინისტრაციული სამართალდარღვევის სტატისტიკური მონაცემები (ტერიტორიული განფენილობის სამართალდამრღვევა სქესის/ასაკის მითითებით), გარდა საგზაო მოძრაობის წესების დარღვევის გამო გამოვლენილი სამართალდარღვევებისა; • საგზაო მოძრაობის წესების დარღვევის გამო, საქართველოს ადმინისტრაციულ სამართალდარღვევათა კოდექსის შესაბამისად გამოვლენილი სამართალდარღვევების სტატისტიკური მონაცემები, მათ შორის ვიდეოჯარიმები (ტერიტორიული განფენილობის და შესაბამისი მუხლის/პუნქტის/ნაწილის მითითებით); • ვიდეოჯარიმების სტატისტიკური მონაცემები (ტერიტორიული განფენილობის, 20%-იანი შეღავათით სარგებლობის შესახებ მონაცემების მითითებით)	კვარტალი; კუმულატიური (ნაზარდი ჯამი).	საინფორმაციო-ანალიტიკური დეპარტამენტი/საპატრულო პოლიციის დეპარტამენტი	• მონაცემები დაანგარიშდება საანგარიშო პერიოდის მომდევნო თვის 15 რიცხვამდე. • სრული წლის შემაჯამებელი მონაცემები დაანგარიშდება წლის დასრულებიდან + 60 დღე.

3	საგზაო-სატრანსპორტო შემთხვევების სტატისტიკური მონაცემები: ა) საქართველოს სისხლის სამართლის კოდექსის შესაბამისად (ტერიტორიული განფენილობის, დაღუპული/დაშავებული პირების რაოდენობის მითითებით); ა.ა) საპატრულო პოლიციის დეპარტამენტის სამოქმედო ტერიტორიის შესაბამისად (სახეების, სატრანსპორტო საშუალების ტიპის, საგზაო-სატრანსპორტო შემთხვევის სავარაუდო მიზეზის, დაღუპული/დაშავებული პირების მონაცემების (ქვეითი/სხვა მონაწილე - სქესი/ასაკი) მითითებით); ბ) საქართველოს ადმინისტრაციულ სამართალდარღვევათა კოდექსის შესაბამისად (ტერიტორიული განფენილობის, შესაბამისი მუხლის/პუნქტის/ნაწილის მითითებით).	კვარტალი; კუმულატიური (ნაზარდი ჯამი).	საპატრულო პოლიციის დეპარტამენტი	• მონაცემები დაანგარიშდება საანგარიშო პერიოდის მომდევნო თვის 15 რიცხვამდე. • სრული წლის შემავალი მონაცემები დაანგარიშდება წლის დასრულებიდან + 60 დღე.
4	• უფლებამოსილი ორგანოს მიერ გაცემული მართვის მოწმობების (პირველადი) სტატისტიკური მონაცემები (მართვის მოწმობის მფლობელი პირის მონაცემების (სქესი/ასაკი/მოქალაქეობა), ტერიტორიული განფენილობის (პირის რეგისტრაციის ადგილის მიხედვით);	კვარტალი; წელი.	საინფორმაციო-ანალიტიკური დეპარტამენტი	მონაცემები დაანგარიშდება საანგარიშო პერიოდის მომდევნო თვის 15 რიცხვამდე.
	• საქართველოში რეგისტრირებულ პირებზე რიცხული მართვის მოწმობების სტატისტიკური მონაცემები (პირის რეგისტრაციის ადგილის/სქესის/ასაკის მითითებით).	წელი		
5	უფლებამოსილი ორგანოს მიერ გაცემული მართვის მოწმობებზე მინიჭებული ქულების შესახებ სტატისტიკური მონაცემები: ა) ქულების დაკლების ფაქტების შესახებ (ტერიტორიული განფენილობის (სამართალდარღვევის ადგილის მიხედვით), მუხლის/ნაწილის/ქვეპუნქტის მითითებით); ბ) პირთა შესახებ რომელთაც დააკლდათ და ამოწურათ ქულები (ტერიტორიული განფენილობის (ადმინისტრაციული სამართალდარღვევის დაფიქსირებისას სამართალდამრღვევის რეგისტრაციის ადგილის მიხედვით) მითითებით); გ) პირთა შესახებ, რომელთაც შეუნარჩუნდათ მართვის მოწმობაზე მინიჭებული 100 ქულა (ტერიტორიული განფენილობის (პირის რეგისტრაციის ადგილის მიხედვით) მითითებით).	კვარტალი; კუმულატიური (ნაზარდი ჯამი).	საინფორმაციო-ანალიტიკური დეპარტამენტი	• მონაცემები დაანგარიშდება საანგარიშო პერიოდის მომდევნო თვის 15 რიცხვამდე. • სრული წლის შემავალი მონაცემები დაანგარიშდება წლის დასრულებიდან + 60 დღე.

6	აქტიური სტატუსით რეგისტრირებული სატრანსპორტო საშუალებების სტატისტიკური მონაცემები (ტრანსპორტის ტიპის, ძარის ტიპის, მარკის, მოდელის, გამოშვების წლის, რეგისტრაციის წლის, ფერის, საწვავის ტიპის, ძრავის მოცულობის, მესაკუთრის ტიპის, ტერიტორიული განფენილობის (რეგიონი - სატრანსპორტო საშუალებების რეგისტრაციისას მითითებული მესაკუთრის რეგისტრაციის ადგილის მიხედვით) მითითებით); სატრანსპორტო საშუალებების შიდა გასხვისებების (მესაკუთრის ცვლილება) სტატისტიკური მონაცემები (ტრანსპორტის ტიპის, ძარის ტიპის, მარკის, მოდელის, გამოშვების წლის, ფერის, საწვავის ტიპის, ძრავის მოცულობის, მესაკუთრის ტიპის, მითითებით); სატრანსპორტო საშუალებების პირველადი რეგისტრაციის და ჩამოწერის ან საზღვარგარეთ გაყვანის მიზნით აღრიცხვიდან მოხსნილი სატრანსპორტო საშუალებების სტატისტიკური მონაცემები (ტრანსპორტის ტიპის, ძარის ტიპის, მარკის, მოდელის, გამოშვების წლის, ფერის, საწვავის ტიპის, ძრავის მოცულობის, მესაკუთრის ტიპის, ტერიტორიული განფენილობის (რეგიონი - სატრანსპორტო საშუალებების რეგისტრაციისას მითითებული მესაკუთრის რეგისტრაციის ადგილის მიხედვით) მითითებით); იმპორტირებული, რეექსპორტირებული და ექსპორტირებული სატრანსპორტო საშუალებების სტატისტიკური მონაცემები (ტრანსპორტის ტიპის, ძარის ტიპის, მარკის, მოდელის, გამოშვების წლის, ფერის, საწვავის ტიპის, ძრავის მოცულობის, დასაშვები წონის მითითებით).	კვარტალი; წელი.	საინფორმაციო-ანალიტიკური დეპარტამენტი	მონაცემები დაანგარიშდება საანგარიშო პერიოდის მომდევნო თვის 15 რიცხვამდე.
7	წარკოტიკული ნივთიერებების მოხმარების დადგენის მიზნით გამოსაკვლევად წარდგენილ და დადებითი შედეგის მქონე პირთა სტატისტიკური მონაცემები (სქესის/ასაკის/მოქალაქეობის, ტერიტორიული განფენილობის მითითებით) .	კვარტალი; წელი.	საექსპერტო-კრიმინალისტიკური დეპარტამენტი	მონაცემები დაანგარიშდება საანგარიშო პერიოდის მომდევნო თვის 15 რიცხვამდე.
8	დროებითი მოთავსების იზოლატორებში მოთავსებულ პირთა სტატისტიკური მონაცემები (საქართველოს ადმინისტრაციულ სამართალდარღვევათა კოდექსისა და საქართველოს სისხლის სამართლის კოდექსის შესაბამისი მუხლების, სქესის/ასაკის/მოქალაქეობის, პრეტენზიის მქონე დაკავებულთა რაოდენობის, მოთავსებულ პირთა სხეულზე არსებული დაზიანებების მიღების კონკრეტული პერიოდისა და ადმინისტრაციულ პატიმრობაშეფარდებული პირებისათვის პატიმრობის ვადების მითითებით).	კვარტალი; წელი.	დროებითი მოთავსების უზრუნველყოფის დეპარტამენტი	მონაცემები დაანგარიშდება საანგარიშო პერიოდის მომდევნო თვის 15 რიცხვამდე.

9	შემაკავებელი ორდერები: ა) ოჯახში ძალადობის ფაქტებზე გამოცემული შემაკავებელი ორდერების სტატისტიკური მონაცემები (ტერიტორიული განფენილობის, მონაწილე პირებისა (მომალადე/მსხვერპლი - სქესის/ ასაკის მითითებით) და ძალადობის სახეების მითითებით); ბ) ქალთა მიმართ ძალადობის ფაქტებზე გამოცემული შემაკავებელი ორდერების სტატისტიკური მონაცემები (ტერიტორიული განფენილობის, მონაწილე პირებისა (მომალადე/მსხვერპლი - სქესის/ ასაკის მითითებით) და ძალადობის სახეების მითითებით).	კვარტალი კუმულატიური (ნაზარდი ჯამი).	საინფორმაციო-ანალიტიკური დეპარტამენტი	მონაცემები დაანგარიშდება საანგარიშო პერიოდის მომდევნო თვის 15 რიცხვამდე.
10	სუიციდისა და სუიციდის მცდელობის სტატისტიკური მონაცემები (სქესის/ასაკის/მოქალაქეობის, ტერიტორიული განფენილობის მითითებით).	6 (ექვსი) თვე; წელი.	საინფორმაციო-ანალიტიკური დეპარტამენტი	მონაცემები დაანგარიშდება საანგარიშო პერიოდის დასრულებიდან + 60 დღე.
11	სამინისტროს კომპეტენციის ფარგლებში, სამუშაო ადგილზე დაშავებული და გარდაცვლილი პირების სტატისტიკური მონაცემები (ასაკის/სქესის, ტერიტორიული განფენილობის მითითებით).	6 (ექვსი) თვე; წელი.	საინფორმაციო-ანალიტიკური დეპარტამენტი	მონაცემები დაანგარიშდება საანგარიშო პერიოდის დასრულებიდან + 60 დღე.
12	უგზო-უკვლოდ დაკარგული პირების სტატისტიკური მონაცემები (სქესის/ასაკის/მოქალაქეობის, ტერიტორიული განფენილობის მითითებით), მათ შორის ნაპოვნი პირების რაოდენობა (გარდაცვლილი/ცოცხალი - ასაკობრივი მონაცემების მითითებით).	6 (ექვსი) თვე; წელი.	საინფორმაციო-ანალიტიკური დეპარტამენტი	მონაცემები დაანგარიშდება საანგარიშო პერიოდის მომდევნო თვის 15 რიცხვამდე.
13	საქართველოს სახელმწიფო საზღვარზე გადაადგილებული პირებისა და ტრანსპორტის სტატისტიკური მონაცემები.	კვარტალი; წელი.	საინფორმაციო-ანალიტიკური დეპარტამენტი	მონაცემები დაანგარიშდება საანგარიშო პერიოდის მომდევნო თვის 15 რიცხვამდე.
14	საქართველოდან გამეევებულ, რეადმისირებულ, დროებითი განთავსების ცენტრში განთავსებულ, თავშესაფრის მაძიებლად რეგისტრირებულ პირთა სტატისტიკური მონაცემები (სქესის/ასაკის/ მოქალაქეობის მიხედვით).	კვარტალი; წელი.	მიგრაციის დეპარტამენტი	მონაცემები დაანგარიშდება საანგარიშო პერიოდის მომდევნო თვის 15 რიცხვამდე.

15	ლტოლვილისა და ჰუმანიტარული სტატუსის მინიჭების ან მინიჭებაზე უარის თქმის შესახებ მიღებული გადაწყვეტილების შესახებ სტატისტიკური მონაცემები (სქესის/ასაკის/მოქალაქეობის მიხედვით).	კვარტალი; წელი.	მიგრაციის დეპარტამენტი	მონაცემები დაანგარიშდება საანგარიშო პერიოდის მომდევნო თვის 15 რიცხვამდე.
16	კანონიერ ძალაში შესული სამინისტროს წინააღმდეგ დასრულებული სასამართლო დავების ჩამონათვალი (დავის საგნისა და დაკისრებული პასუხისმგებლობის მითითებით).	6 (ექვსი) თვე; წელი.	იურიდიული დეპარტამენტი/საჯარო სამართლის იურიდიული პირები / სახელმწიფო საქვეუწყებო დაწესებულებები	მონაცემები დაანგარიშდება საანგარიშო პერიოდის მომდევნო თვის 15 რიცხვამდე.
17	„სააღსრულებო წარმოებათა შესახებ“ საქართველოს კანონის შესაბამისად, სახელმწიფო ბიუჯეტში არსებული წინა წლებში წარმოქმნილი დავალიანების დაფარვისა და სასამართლო გადაწყვეტილებების აღსრულების ფონდიდან იძულებითი წესით ჩამოჭრილი თანხები.	6 (ექვსი) თვე; წელი.	ეკონომიკური დეპარტამენტი/საჯარო სამართლის იურიდიული პირები/ სახელმწიფო საქვეუწყებო დაწესებულებები	მონაცემები დაანგარიშდება საანგარიშო პერიოდის მომდევნო თვის 15 რიცხვამდე.
18	გენერალური ინსპექციის (დეპარტამენტი) მიერ სამინისტროს თანამშრომლების მიმართ დაკისრებული დისციპლინური სახდელების სტატისტიკური მონაცემები.	1 (ერთი) წელი.	გენერალური ინსპექცია (დეპარტამენტი)	მონაცემები დაანგარიშდება საანგარიშო პერიოდის მომდევნო თვის 15 რიცხვამდე.
19	გარე მეთვალყურეობის კამერები (ტერიტორიული განფენილობის მითითებით). ა) საქართველოს მასშტაბით არსებული გარე მეთვალყურეობის კამერების რაოდენობა; ბ) საანგარიშო პერიოდში დამონტაჟებული გარე მეთვალყურეობის კამერების რაოდენობა.	6 (ექვსი) თვე; წელი.	სსიპ - საზოგადოებრივი უსაფრთხოების მართვის ცენტრი "112"	მონაცემები დაანგარიშდება საანგარიშო პერიოდის მომდევნო თვის 15 რიცხვამდე.
20	მოქალაქეთა ცნობიერების ამაღლების მიზნით გამართული ღონისძიებების ჩამონათვალი.	კვარტალი.	სტრატეგიული კომუნიკაციების დეპარტამენტი	მონაცემები დამუშავდება საანგარიშო პერიოდის მომდევნო თვის 15 რიცხვამდე.